

BANDO DA ALCALDÍA

LIMPEZA DE MALEZAS DE TERREOS

Requerimento xeral de limpeza de maleza dos terreos en sólo urbano e núcleo rural.

Xosé A. Sánchez Bugallo, alcalde-presidente do Concello de Santiago
FAI SABER:

A tódolos vecinos e veciñas do Concello de Santiago que, en cumprimento do disposto na Lei 3/2007 de "Prevención e defensa contra os incendios forestais de Galicia", os titulares/propietarios de parcelas ou terreos situados en solo urbano, urbanizable e núcleo rural teñen o deber de mantelos nun adecuado estado de limpeza e coa masa vexetal desbrozada antes de finais de maio de cada ano.

A citada lei establece nos seus artigos 21 e 22 as obrigas das persoas físicas e xurídicas responsables das parcelas incluídas nas faixas de especial protección de núcleos que deberán cumplir coas obrigas de xestión de combustible vexetal, (tala e roza), antes de finais de maio de cada ano, xestionando a biomasa vexetal nunha franxa de 50 metros perimetral ao sólo urbano, de núcleo urbano e urbanizable delimitado, así como ao redor de edificacións, vivendas illadas e urbanizacións, depósitos de basura, parques e instalacións industriais situadas a menos de 400 metros do monte, de maneira que nos 50 metros non poderá haber nin piñeiros, nin eucaliptos, nin acacias, nin toxos, nin xestas, nin silvas.

Así mesmo, o artigo 77 da Ordenanza de convivencia, residuos e limpeza viaria de Santiago de Compostela establece que: "*Os propietarios de terreos situados no termo municipal deberán mantelos nas debidas condicións de hixiene, salubridade e seguridade. Para iso, realizarán as tarefas de mantemento necesarias co fin de que permanezan limpos de maleza(...)*".

No caso de incumprimento das obrigas sinaladas anteriormente o Concello de Santiago poderá proceder á notificación ás persoas responsables da súa obriga, advertíndolles da posibilidade de execución subsidiaria en caso de incumprimento e sen prexuízo da instrucción do procedemento sancionador que correspondease así como da aplicación das sancións correspondentes.

En Santiago de Compostela, a 10 de xullo de 2019

Asdo Xosé A. Sánchez Bugallo

